

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10), Zaključka Vlade Zeničko-dobojskog kantona, broj: 02-26-9560/16 od 06.05.2016. godine, na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 67. sjednici, održanoj dana 25.08.2016. godine, d o n o s i

ZAKLJUČAK

I

Usvaja se Informacija o šumskim krađama i o posljedičnim štetama sa prijedlogom mjera za prevazilaženje stanja na području Zeničko-dobojskog kantona za period 2011-2015. godina.

II

Zaključak stupa na snagu danom donošenja.

Broj: 02-_____/16.
Datum, 25.08.2016. godine
Z e n i c a

PREMIJER

Miralem Galijašević

DOSTAVLJENO:

1x Ministarstvo za poljoprivredu, šumarstvo i vodoprivredu,
1x Stručna služba Vlade,
1x a/a.

INFORMACIJA

**o šumskim krađama i o posljedičnim štetama
sa prijedlogom mjera za prevazilaženje stanja
na području Zeničko-dobojskog kantona
za period 2001. – 2015. godina**

Zenica, juli 2016. godine,

I. Uvod

Informacija o šumskim krađama i o posljedičnim štetama sa prijedlogom mjera za prevazilaženje stanja na području Zeničko-dobojskog kantona sačinjena je na osnovu podataka iz Informacija o gospodarenju šumama na području Zeničko-dobojskog kantona i planovima za proteklih pet godina, kao i na osnovu višegodišnjih praktičnih iskustava sa kojima se Kantonalna uprava za šumarstvo svakodnevno susreće u obavljanju poslova na zaštiti šuma i šumskog zemljišta.

Koliki je značaj šuma i šumskog zemljišta, najbolje pokazuje podatak da ovaj prirodni resurs zauzima oko polovine površina države Bosne i Hercegovine, dok je na području Zeničko-dobojskog kantona oko 56% površina pod šumama i šumskim zemljištem. Šume, kao prirodni resurs posjeduju multifunkcionalnost proizvoda i usluga koje pružaju. Prisutni su različiti aspekti korištenja šuma (ekonomski, socijalni i ekološki), pa tako imamo korištenje prvenstveno šumskih proizvoda (drvnih i nedrvnih), korištenje po osnovu raznih vrsta koncesija unutar šuma i šumskog zemljišta, vodnog potencijala, turizma i dr.

Od posebnog su značaja općekorisne funkcije šuma, koje se ogledaju naročito u zaštiti zemljišta od erozije, bujica, poplava, uticaju na vodni režim i hidroenergetski sistem, uticaja na plodnost zemljišta i bitnom određenju poljoprivredne proizvodnje, uticaja na klimu, u zaštiti i unaprjeđenju čovjekove okoline, u stvaranju kiseonika i pročišćavanju atmosfere, te uticaju na ljepotu krajolika, stvaranju povoljnih uslova za liječenje, oporavak, odmor i rekreaciju, za razvoj turizma i lovstva.

Šume i šumska zemljišta, kao složen ekosistem su na udaru klimatskih promjena, koje se ne mogu predvidjeti, a posljednjih godina su sve izraženije. Neplanska sječa šuma na području Bosne i Hercegovine posljednjih decenija, malo ili nikakovo ulaganje u pošumljavanje i druge šumsko-uzgojne radove doprinijeli su u nekim slučajevima i potpunom uništavanju šumskog fonda, a direktno su uticali na osiromašenje šuma. Tako se može konstatovati da je Bosna i Hercegovina zemlja bogata siromašnim šumama.

Korištenjem šumskih proizvoda i ostalih koristi, koje daje ovaj prirodni resurs, javljaju se i određene nezakonite radnje i aktivnosti koje dovode do direktne devastacije šumskih kompleksa ili indirektno utiču u negativnom smislu na šumski ekosistem u cjelini.

II. Podaci o šumskim krađama na području Zeničko-dobojskog kantona

Da bi se bolje prezentiralo, kako i koliko je izražen problem šumskih krađa na području Zeničko-dobojskog kantona, navedeni su podaci o šumskim štetama (nastalim kao posljedica šumskih krađa drvene mase) Kantonalne uprave za šumarstvo za period od 2011.- 2015. godine, sa posebnim osvrtom na 2015.godinu.

1. Podaci o bespravno posjećenju i zaplijenjenoj drvnoj masi i podnesenim prijavama na području Zeničko-dobojskog kantona u periodu od 2011. - 2015. Godine

Tabela 1.

Godina	Evidencija bespravno posjećene drvene mase:			Podneseno prijava:			Iznos štete obračunate po prijavama	Zaplijenjeno
	Državne šume	Privatne šume	Ukupno	Prekršajne	Krivične	Ukupno		
	m ³	m ³	m ³	kom	kom	kom	KM	m ³
1	2	3	4	5	6	7	8	9
2011.	17.954,04	4.542,67	22.496,71	1.754	362	2.116	429.333,53	2.187,35
2012.	18.562,06	4.564,71	23.126,77	2.010	586	2.596	589.541,73	1.746,04
2013.	16.613,72	4.619,02	21.232,74	2.209	654	2.863	794.670,51	1.212,69
2014.	14.389,45	3.354,05	17.743,50	1.919	382	2.301	560.281,52	1.669,21
2015.	18.957,40	3.400,56	22.357,96	2.102	305	2.407	533.044,84	1.957,20
Ukupno:	86.476,67	20.481,01	106.957,68	9.994	2.289	12.283	2.906.872,13	8.772,49

Na osnovu podataka, prikupljenih na području Kantona, može se konstatovati da je, u periodu 2011.-2015. godine, bespravno posjećeno 106.957,68 m³ drvene mase, koja se procjenjuje (bez poreza - po današnjim cijenama) na vrijednost od 7.433.559 KM. Iz državnih šuma je otuđeno 86.476,67 m³ drvene mase ili 81% od ukupno otuđene drvene mase, dok je iz privatnih šuma otuđeno 20.481,01 m³ drvene mase ili 19%. Od ukupno bespravno posjećene drvene mase za količinu od 38.911,84 m³ ili 36% je otkriven počinioc i podnesena prijava za šumsku štetu, dok je masa od 68.136,14 m³ zavedena po nepoznatom počiniocu. Istovremeno je zaplijenjeno 8.772,49 m³ ili 8% drvene mase i predato Šumsko privrednom društvu. Podaci o bespravno posjećenim drvnim masama i zaplijenjenom drvetu po godinama i odjeljenjima prikazani su u Tabeli BS.1. (u prilogu).

U istom periodu, Kantonalna uprava za šumarstvo je podnijela ukupno 12.283 prijave i to 2.289 krivičnih i 9.994 prekršajne prijave. Po osnovu odštetnog cjenovnika, obračunata je šteta u iznosu od 2.906.872,13 KM, pored toga sudovi su presudili kazne po prijavama u iznosu od 1.236.661 KM. Podaci o podnesenim prijavama po godinama i odjeljenjima prikazani su u Tabeli BS.2. (u prilogu).

2. Podaci o bespravno posjećenju i zaplijenjenoj drvnoj masi i podnesenim prijavama na području Zeničko-dobojskog kantona u 2015. godini

U 2015. godini, ukupno je evidentirano 22.357,96 m³ bespravno posjećene drvene mase, čija procjenjena vrijednost iznosi 1.553.918,36 KM. Od ukupno bespravno posjećene drvene mase počinioc je otkriven za masu od 7.001,87 m³ ili 31% , dok za količina od 15.356,09 m³ ili 69% nije otkriven počinioc. Zaplijenjeno je 1.957,20 m³ drvene mase. Registrovano je 2.407 prijava za

štete pričinjene u šumama i na šumskom zemljištu, od toga je 305 krivičnih prijava i 2.102 prekršajne prijave. Šteta, obračunata po prijavama, iznosi 533.044,84 KM. Podaci o bespravnoj sječi drvene mase i zaplijenjena drvena masa (*Tabela BS.3.*), broj podnesenih prijava i iznos obračunate štete po osnovu drveta po odjeljenjima (*Tabela BS.4.*) i po opštinama (*Tabela BS.5.*) su dostavljeni u prilogu.

U državnim šumama je evidentirano 18.957,40 m³ bespravno posječene drvene mase, od toga je za drvenu masu u količini 4.850,67 m³ utvrđen počinio, dok je količina od 14.106,73 m³ zavedena po neutvrđenom počinio. Za štete utvrđene u državnim šumama registrovana je 2.141 prijava i to 295 krivičnih i 1.846 prekršajnih prijava. Iznos štete po prijavama je 427.878,79 KM. Podaci o bespravnoj sječi drvene mase, broju podnesenih prijava i iznos obračunate štete po osnovu drveta iz državnih šuma po odjeljenjima *Tabela BS.DŠ.6.* i opštinama *Tabela BS.DŠ.7.* su u prilogu.

U privatnim šumama je evidentirano 3.400,56 m³ bespravno posječene drvene mase, od toga je za drvenu masu u količini od 2.151,20 m³ utvrđen počinio, dok je količina od 1.249,36 m³ evidentirana po neutvrđenom počinio. Za štete utvrđene u privatnim šumama registrovano je 266 prijava i to 10 krivičnih i 256 prekršajnih prijava. Šteta obračunata po prijavama iznosi 105.166,05 KM. Podaci o bespravnoj sječi drvene mase, broju podnesenih prijava i iznos obračunate štete po osnovu drveta iz privatnih šuma po odjeljenjima *Tabela BS.PŠ.8.* i opštinama *Tabela BS.PŠ.9.* su u prilogu.

III. Uzroci, koji dovode do povećanja obima šumskih krađa

Zakonom o šumama Zeničko-dobojskog kantona („Službene novine Zeničko-dobojskog kantona“, broj: 8/13 i 1/15) je definisano da: ***Integralna zaštita šuma predstavlja multidisciplinarni koncept koji zagovara odgovornost svih subjekata koji koriste prirodne resurse: upravljanje šumama, gospodarenje šumama i podizanje svijesti građana. Integralna zaštita šuma se tako može sagledati sa dva aspekta: u širem smislu (obaveze svih subjekata društva) i u užem smislu (obaveze samo djelatnosti šumarstva).*** Posmatrajući na taj način zaštitu šuma, može se govoriti o uzrocima koji dovode do povećanja obima svih nelegalnih radnji u šumi i na šumskom zemljištu, pa samim tim i šumskih krađa, potrebno se osvrnuti na više faktora, kako na stanje društvu, tako i na stanje u samom sektoru šumarstva:

III.1 Analiza potreba za drvetom

Činjenica, da je na tržištu velika potražnja za drvnom masom, koje nema u dovoljnim količinama, doprinosi tome da se manjak drvene mase nadoknađuje, djelomično i iz bespravnih sječa. Glavni potrošači nelegalne drvene mase su lokalno stanovništvo, kako bi nadoknadili potrebe za ogrevom, nelegalne i legalne pilane, kao i drugi sitni potrošači, u manjem obimu.

Prema službenim podacima na području Zeničko-dobojskog kantona ima 122.305 domaćinstava. Nekoliko gradova na području Kantona nema gradsko grijanje, a i u drugim gradovima većina stanovništva ne koristi gradsko grijanje, nego alternativne načine zagijavanja. Ogrevno drvo je i dalje primarni i osnovni energent za zagijavanje domaćinstava. Na osnovu pretpostavke, da samo 60% domaćinstava (iako ih ima više) koristi ogrevno drvo za zagijavanje

i ako za grejnu sezonu potroši samo 5 m³, može se procjeniti da ukupna potreba za ogrevnim drvetom iznosi oko 370.000 m³ godišnje . Putem Šumsko privrednog društva u 2015. godini izvršena je realizacija ogrevnog drveta u količini od 93.119 m³, a putem Kantonalne uprave za šumarstvo, u privatnim šumama realizovano je 8.792 m³. Znači na području Kantona u 2015. godini, legalnim sječama iz državnih i privatnih šuma realizovano je 101.911 m³. Posmatrajući naprijed navedeno, možemo sa sigurnošću konstatovati da postoji velika razlika u ponudi i potražnji ogrevnog drveta, te s tim u vezi imamo slučaj da potrebe za ogrevnim drvetom višestruko nadmašuju ponudu, koja se nudi u legalnoj proceduri. U takvim uslovima stanovništvo je prinuđeno problem snabdijevanja ogrevnog drveta rješavati na razne načine, pa i putem prekomjernih bespravnih sječa, što je i evidentirano od strane Kantonalne uprave. Sličan slučaj je i sa potrebama legalnih i ilegalnih reznih objekata, čiji su kapaciteti višestruko veći od ponuđenih količina drveta iz legalnih sječa, na području Kantona.

III.2 Uticaj općih faktora na povećane obima šumskih krađa

- ***Posmatrajući cjelokupan zakonski okvir, Kantonalna uprava za šumarstvo nije jedina nadležna za sprečavanje šumskih krađa. Veliku ulogu u poslovima zaštite šuma ima Šumsko privredno društvo, koje zbog nedovoljne discipline prilikom obavljanja redovnih sječa, a što se najbolje vidi kroz kontrolu tehničkih prijema izvršenih radova u šumarstvu, doprinosi lošijem obavljanju poslova zaštite šuma. Ovako veliki obim šumskih krađa je posljedica i kontrole prometa drveta. Dužina trajanja postupaka pred nadležnim tužilaštvom i sudovima je poruka šumokradicama da se isplati učestvovati u poslovima šumskih krađa. Vrijeme za donošenje presda po prekršajnom postupku, u prosjeku, iznosi oko 1,5 godina. Presude su najčešće uslovne ili se izriču novčane kazne, koje se načešće se i ne izvršavaju, pa se počinioci ponovo vraćaju uprekršaja odnosno krivičnih djela. Sve napred navedeno je izvan uticaja Kantonalne uprave za šumarstvo, a stalno se stiče utisak da je Kantonalna uprava za šumarstvo jedina nadležna i odgovorna za čuvanje šuma i šprečavanje šumskih krađa. Šuma kao opće društveno dobro i kao resurs od posebnog značaja za državu mora biti briga svih segmenata društva.***

- Oblasti šumarstva, na nivou Federacije, već dugo godina nije zakonski uređena, što je djelomično doprinijelo povećanju obima šumskih krađa. Na području Kantona je u 2013. godini donesen zakon o šumama, koji je i sada na snazi. Pojedini Općinski sudovi smatraju da ni ovaj zakon nije donesen na vrijeme, te donosi presude o odbacivanju postupka. Zbog toga smo za prijave podnesene u 2015. godini, npr. samo na području Odjeljenja Olovo bili prinuđeni uložiti preko 300 žalbi na odluke suda. Kompletan zakonska neuređenost doprinosi povećanju obima šumskih krađa, jer proizvodi pravnu nesigurnost i stvara probleme u funkcionisanju i poduzimanju potrebnih mjera.

- Ekonomska kriza i slabo socijalno stanje stanovništva nastoji se riješiti bespravnom sječom šume i drugim nezakonitostima u oblasti šumarstva i drvne industrije. Prema zvaničnim podacima, na području Kantona je zaposleno 33% radno sposobnog stanovništva, što oslikava materijalnu i socijalnu sliku stanovništva. Socijalna problematika kao i nedostatak osnovnih sredstava za životnu egzistenciju nastoje se riješiti kroz obezbjeđivanje materijalne koristi vršenjem bespravnih sječa i drugih nezakonitosti u šumarstvu. Ovo se temelji na činjenici da se

znatan broj fizičkih lica učestalo pojavljuje u službenim evidencijama kao počinioci šumskih krađa. Znači ima mnogo povratnika u vršenju šumskih krađa i nisu rijetki slučajevi da je protiv jednog lica podneseno 30 i više prijava za šumske krađe. Zbog visokog stepena kriminalnih radnji u svim segmentima društva angažman nadležne policije na sprječavanja nezakonitih radnji vezanih za šumu i šumske krađe je sveden na minimum, a poslovi zaštite šuma su ostavljeni isključivo Kantonalnoj upravi za šumarstvo.

- Neriješeno pitanje zagrijavanja gradova, kao što su Maglaj, Olovo, Vareš i dijelovi grada Zenica, povećava potrebe za ogrevnim drvetom, kao energentom.
- Ogrevno drvo, kao lako dostupan energent, tradicionalno je na prvom mjestu za zagrijavanje domaćinstava.
- Cijene drugih energenata (ugalj, plin i dr.) nisu konkurentne cijenama cijenama ogrevnog drveta.
- Veliki broj legalnih i ilegalnih reznih objekata čiji kapaciteti premašuju redovne sječe oblovine u državnim i privatnim šumama.
- Nedovoljna edukovanost stanovništva o značaju šuma i šumskog zemljišta i dr.

III.3 Uticaji stanja u oblasti šumarstva

U cilju sagledavanja stanja u oblasti šumarstva izvršena je identifikacija nezakonitih radnji i aktivnosti koje se odvijaju u šumi, a koje doprinose povećanju šumskih krađa. Na osnovu višegodišnjih praktičnih iskustava u zaštiti šuma i šumskog zemljišta, šumske krađe se odvijaju kroz više nezakonitih radnji koje su međusobno povezane i koje se naročito ogledaju u slijedećem:

Vršenju bespravnih sječa i nelegalnog prometa drvne mase – prema našim saznanjima bespravne sječe se vrše bez obzira na doba dana i noći, a u posljednje vrijeme se sve češće dešavaju noću pod jakim baterijskim lampama – reflektorima. Velikom broju šumskih krađa pogoduje i činjenica da šumokradice nemaju radno vrijeme, dok Kantonalna uprava za šumarstvo poslove čuvanja šuma obavlja 5 dana u sedmici, klizno po 8 sati u toku dana, Za promet nelegalno posjećene drvne mase upotrebljavaju se motorna vozila, a drvna masa porijeklom od bespravnih sječa lageruje se u dvorištima privatnih kuća ili neposredno u urbanim sredinama. Da bi se postigli bolji rezultati u smanjenju šumskih krađa potrebno je maksimalno pojačati kontrolu prometa drveta na putevima i vršiti oduzimanje svog drveta nađenog u prometu bez uredne dokumentacije. U tim aktivnostima, na području Ze-do kantona, najviše se ističe PS Crkvice, PU Zenica.

- *Učešće registrovanih i neregistrovanih motornih vozila u vršenju šumskih krađa* – Kao što je već rečeno, veoma važan segment, jedan od osnovnih u zaštiti šuma od šumskih krađa predstavlja bespravan promet drveta. Šumokradice ne bi imale nikakvu korist od bespravnih sječa ako bi bespravno posjećeno drvo ostalo u šumi kod panja. U bespravnom prometu pored registrovanih motornih vozila koja su predviđena za transport drveta, učestvuju i neregistrovana vojna vozila, dok je u posljednje vrijeme sve izraženija upotreba džipova i kombija u vršenju šumskih krađa. Nemoguće je da jedan čuvar šuma prati sva ta kretanja na reonu veličine 2.500 – 3.000 ha.

- *Neefikasnost privremenog oduzimanja sredstava kojima je počinjena šumska krađa* – Poseban problem u provođenju poslova na zaštiti šuma čini i provođenje cjelokupne procedure privremenog oduzimanja roba i sredstava kojima je izvršena nezakonita radnja. U vršenju bespravnih sječa i nezakonitog prometa veliku ulogu imaju vlasnici neregistrovanih i specijalno prilagođenih vojnih vozila, džipova i kombi vozila, koja su svakodnevno prisutna u ponovnom vršenju nezakonitih radnji. U provođenju postupka privremenog oduzimanja, čuvarska služba, kontinuirano vrši postupak privremenog oduzimanja nelegalne drvene mase. Međutim, problem se pojavljuje prilikom provođenja postupaka privremenog oduzimanja stalnih sredstava kojima se vrše nezakonite radnje. Kantonalna uprava je dužna da prilikom zaplijene vozila koja su učestvovala u izvršenju nelegalne radnje provede cjelokupan postupak od lagerovanja tako zaplijenjenog vozila do provođenja licitacije za prodaju. Uprava, pored policije, aktivno učestvuje u zaplijeni vozila, procedure su spore i komplikovane. Procedura zaplijene i oduzimanja vozila podrazumjeva provođenje više radnji, kao što su: traženje odobrenja od suda za zaplijenu, lagerovanje vozila, okončanje pokrenutog postupka i čekanje presude i na kraju provođenje postupka licitacije. Nakon što Uprava provede sve navedene radnje, ne postiže se željeni rezultat, jer zbog starosti i stanja u kome se nalaze zaplijenjena vozila cijena istih na provedenim licitacijama je simbolična. Provođenjem svih aktivnosti ne postiže se rezultat, koji bi trebao da pošalje poruku da se ne isplati bespravan promet drveta.

- *Nezakonitosti u radu pilanskih i drugih reznih jedinica* – Na području Kantona, instaliran je veliki broj legalnih i nelegalnih reznih objekata (pilane, cekulari, brente i dr.). U nedostatku dovoljne količine legalno isporučene drvene mase, pojedini legalni pilanski kapaciteti u svom radu koriste i drvenu masu koja je porijeklom od bespravnih sječa, a ponekad predstavljaju produženi lanac u plasmanu rezane građe prerađene u nelegalnim pilanama, a koje vode porijeklo od bespravnih sječa. U ovakvim tržišnim uslovima, gdje je potražnja za drvetom veća od ponude, dešavaju se slučajevi da i legalne pilane u svom radu vrše primarnu preradu drvene mase porijeklom od bespravnih sječa kao i daljnju distribuciju dobivene rezane građe.

Nelegalna postrojenja za rezanje drveta različitih vrsta su locirana u improvizovanim objektima koji su na razne načine građeni (drveni, od čvrstog materijala i dr.) i kao takvi čine posebne objekte ili su postrojenja za rezanje drveta instalisana u postojećim stambenim ili pomoćnim objektima (garaže, staje za držanje stoke i dr.). Pored činjenice da se nelegalnim pilanama u legalnoj proceduri ne isporučuje drvena masa, iste dugi niz godina postoje i egzistiraju na terenu i obavljaju djelatnost rezanja drveta. Prema tome, nelegalni postrojenja za rezanje drveta najčešće su potrošači nelegalne drvene mase, koju na razne načine nastoje da nabave, pa i putem šumskih krađa. U prilog navedenoj konstataciji navodimo i podatak da su vlasnici ili lica koja direktno opslužuju rad nelegalnih pilana, u većini slučajeva i direktni počinioци bespravnih sječa i nelegalnog prometa

Sa terena smo obavještavani više puta, da nadležne inspekcije dođu i zapečate takva postrojenja, ali vlasnici samovoljno skidaju plombu i nastavljaju da vrše djelatnost rezanja drveta. Uprava i drugi nadležni vrše poslove kontrole drveta, kako na legalnim, tako i na nelegalnim reznim postrojenjima. Ukoliko se pronađe drvo bez porijekla poduzimaju se potrebne mjere i radnje, kao što su zaplijena drveta i podnošenje prijava.

- *Kapacitet instaliranih reznih postrojenja* – Ne raspolažemo podacima koliki su kapaciteti instaliranih reznih objekata, ni legalnih, a još manje nelegalnih. Sama činjenica da je potražnja za drvetom veća nego što je ponuda na području Kantona, a i same Države, dovodi do zaključa da su instalirani kapaciteti višestruko veći od potrebnih.

Međutim, svakodnevno se putem sredstava informisanja šalje poruka, pa čak i od visoko rangiranih zvaničnika, da mi imamo prostora za povećanjem obima poslova koji kao sirovinu koriste šumske drvne proizvode. Što se prije prihvati činjenica da šume nisu neiscrpan izvor drveta, prije će se promijeniti politika prema ovom resursu. Šume, za razliku od poljoprivrede, traže višedecenijski vremenski period kako za podizanje tako i za oporavak. Činjenica da su naše šume devastirane više decenija, da je u tom periodu vršena eksploatacija velikih razmjera, dok su istovremeno vršena mala ili nikakva ulaganja, govori nam da smo bogati siromašnim šumama.

Uticaj stanja u Šumsko privrednom društvu - Ugovorom o prenosu poslova gospodarenja državnim šumama na području Zeničko-dobojskog kantona kantonalnom šumsko privrednom društvu preneseni su pored ostalih i određeni poslovi integralne zaštite šuma, a Kantonalnoj upravi za šumarstvo je data obaveza kontinuirane kontrole i nadzora nad realizacijom svih poslova prenesenih ugovorom, kao što su redovne i sanitarne sječe, šumsko-uzgojni radovi, zaštita šuma i dr. S tim u vezi, vrše se kontrole i evidentiraju nepravilnosti u gospodarenju državnim šumama. Za učinjene nepravilnosti se podnose prijave. Legalne sječe obuhvataju sve planske sječe, koje u državnim šumama provodi Šumsko privredno društvo, kao korisnik šuma. Na osnovu zaključenog ugovora sa korisnikom šuma, privatna preduzeća – izvođači radova obavljaju radove u šumi, kao što su sječa i izrada, primicanje, privlačenje i vuča drvnih sortimenata do međustovarišta na šumskom kamionskom putu, a u manjoj mjeri te radove obavlja i korisnik šuma vlastitim kapacitetima. Prilikom izvršavanja poslova koji su predviđeni po projektu za izvođenje, u pojedinačnim slučajevima se vrše i radnje koje nisu dozvoljene projektom, kao što su oštećenja zdravih dubućih stabala, sječa stabala bez doznake, a ogledaju se i u nemogućnosti izvršavanja tehničkih prijemata.

Šumsko privredno društvo, bez obzira na obaveze preuzete ugovorom, već duži vremenski period smatra i tako se i ponaša da nije nadležno za poslove čuvanja šuma od šumskih krađa. Krajem 2015. godine, Kantonalna uprava za šumarstvo je izdala službene legitimacije (sa propisanim pravima i obavezama prilikom kontrole drveta) za zaposlene na zaštiti šuma u Šumsko privrednom društvu. Do danas, nemamo nikakva saznanja, da li su isti poduzimali bilo kakve mjere protiv počinioaca šumskih krađa.

Uticaj stanja u Kantonalnoj upravi za šumarstvo - Kantonalna uprava za šumarstvo je formirana u sastavu Ministarstva za poljoprivredu, šumarstvo i vodoprivredu. Dužnosti Uprave su pored ostalih poslova, da putem čuvarske službe obavlja poslove neposredne zaštite državnih šuma i šumskog zemljišta na području Kantona (među koje spadaju i poslovi zaštite od šumskih krađa).

Uprava se u svom radu susreće sa nizom problema, koji direktno utiču na efikasnost sprječavanja šumskih krađa. Osvrnućemo se na neke od važnijih:

Smanjenje broja čuvara šuma i kontrolnih čuvara šuma – Nacrtom Općeg dijela šumarskog programa Federacije BiH, koji je trenutno u javnoj raspravi je planirano, da veličina čuvarskog reona bude između 1.500–2.000 ha, što zavisi od stepena otvorenosti

šumskih kompleksa, blizine izgrađenih zona, postojanja šuma visoke zaštitne vrijednosti itd. Takođe je navedeno da je analiza pokazala da su postojeća tehnička opremljenost, kao i broj čuvara šuma nedovoljni za efektivno i efikasno provođenje poslova čuvarske službe.

Šume i šumska zemljišta na području Zeničko-dobojskog kantona se prostiru na površini od oko 220.408 ha. U državnom vlasništvu je 185.085 ha ili 84%, a u privatnom vlasništvu oko 35.323 ha.

Prema važećoj sistematizaciji je planirano da površinu državnih i privatnih šuma čuva 84 čuvara šuma i 15 kontrolnih čuvara šuma i površina lugarskog reona bi u prosjeku iznosila oko 2.500 ha, dok sada iznosi oko 3.000 ha.

U odnosu na naprijed navedeno, može se konstatovati da, momentalno, 1 čuvar šuma u prosjeku čuva površinu od 1,5-2 čuvarska reona.

U posljednjih pet godina za 9 čuvara šuma je prestao radni odnos (penzionisanje, prekid radnog odnosa i dr.), a već od prije je bio manjak 1 čuvara šuma. Već duže vrijeme se obraćamo Komisiji Vlade Kantona za popunjavanje nepopunjenih radnih mjesta.

Od ukupno 15 kontrolnih čuvara šuma, posljednjih godina, dva su penzionisana i ta radna mjesta nisu popunjena.

Zbog nedostatka čuvara šuma Uprava je bila prinuđena da značajno poveća veličinu čuvarskog reona, što je uticalo na povećanje obima poslova. I pored toga, na dva čuvarska reona su zadužena 2 kontrolna čuvara šuma, koji pored redovnih poslova, obavljaju i poslove čuvanja šuma i šumskog zemljišta. Veliki procenat bespravno posjećene i otuđene drvene mase (preko 60%) za koju nije otkriven počinioc je, pored ostalog, u vezi sa povećanjem obima poslova. Veličina čuvarskog reona direktno utiče na kvantitet i kvalitet obavljenih poslova, u koje između ostalih poslova, spada i evidentiranje bespravno posjećene drvene mase i drugih bespravnih radnji, otkrivanje počinioca, dokumentovanje kaznenih dijela, podnošenju prijavi i po istim, najmanje dva puta, svjedočenje na sudovima.

Nepopunjenost viših stručnih saradnika – Sistemizacijom je planirano da u 9 Odjeljenja, pored šefa bude zaposleno i 9 viših stručnih saradnika za poslove integralne zaštite šuma. Trenutno, samo u 4 odjeljenja su popunjena ta radna mjesta. Zakonom je određeno, da za sve poslove u šumarstvu koje obavlja Šumsko privredno društvo mora biti komisijski urađen tehnički prijem radova, u kojem učestvuje i jedan inženjer šumarstva iz Kantonalne uprave. Godišnje se obavi preko hiljadu tehničkih prijema, u kojima (zbog nepopunjenosti viših stručnih saradnika), pored drugih redovnih poslova, u većini slučajeva učestvuju šefovi odjeljenja.

Kršenje radne discipline – Nisu rijetki slučajevi da se čuvari šuma kao službena lica upuštaju u radnje koje su u suprotnosti sa pravilom vršenja službe i u vezi kojih podliježu postupku utvrđivanja disciplinske odgovornosti za počinjenje istih. Težina počinjenog djela u mnogim slučajevima i određuje radno-pravni status zaposlenog u vršenju državne službe. Međutim dosadašnja praksa u provođenju disciplinskih postupka protiv namještenika pokazuje slabosti i u većini slučajeva omogućava da i dalje ostaje radno-pravni status zaposlenom koje je izvršilo djelo koje je neprimjereno u vršenju državne službe. Napomenut ćemo dva slučaja kada su njeni zaposleni počinili teške povrede službene dužnosti, koje su bile takvog karaktera da počinitelje čine nepodobnim i nedostojnim za rad u državnoj službi. Prvostepena komisija je u oba slučaja izrekla disciplinsku mjeru prestanak radnog odnosa u organu državne službe. Jedan čuvar šuma je dobio otkaz, a drugom je drugostepena disciplinska komisija, postupajući po žalbi, promijenila prvostepeno rješenje i na taj način je omogućeno da zaposlenik sa nesporno

počinjenim teškim povredama službene dužnosti koje su nespojive sa principima ponašanja zaposlenika u državnoj službi i dalje ostane u radnom odnosu u organu državne službe.

Na provjerama, po usmenim i pismenim pritužbama građana i drugih subjekata poduzimaju se sve raspoložive mjere i radnje, među kojima su i vanredne kontrole reona.

Protiv državnih službenika i namještenika za izvršene povrede službene dužnosti podneseno je ukupno 99 disciplinskih prijava, povodom kojih su nakon okončanih postupaka izrečene disciplinske mjere.

U istom periodu podnesene su i 4 krivične prijave protiv čuvara šuma, za krivična djela učinjena u vršenju službene dužnosti. U toku je provođenje istrage od strane nadležnog tužilaštva zbog zloupotrebe službenog položaja i jedan čuvar šuma je od početka godine uspendovan.

Napadi na čuvaru šuma – Čuvari šuma, kao ovlaštena službena lica se gotovo svakodnevno, prilikom obavljanja službenih poslova i zadataka, suočavaju sa situacijama, da su ometani, omalovažavani, odnosno da se ne postupa po njihovom određenom i zakonitom zahtjevu, kao što su zahtjev za legitimisanjem, za pokazivanjem dokumentacije o porijeklu drveta, za omogućavanjem izvršenja privremenog oduzimanja proizvoda koji su nezakonito stavljeni u promet i dr.

Pored svakodnevnih usmenih prijetnji od strane šumokradica čuvarima šuma i njihovim porodicama, zabilježeni su i slučajevi podmetanja požara pod privatna vozila čuvara šuma. Sve učestaliji su i slučajevi fizičkog napada na terenu. Kantonlna uprava je Ministarstvu unutrašnjih poslova prijavila 22 napada na čuvaru šuma. Kao primjer navešćemo samo dva slučaja:

U januaru 2015. godine na području Visokog izvršen je fizički napad od strane više lica na čuvara šuma i nanesene su mu teže tjelesne povrede. Počinioci su poznati, policija je izvršila uviđaj na licu mjesta i slučaj je preuzelo tužilaštvo. **Do sada još nije zakazana glavna rasprava, a samim tim nije ni donesena presuda. Iste te počinioce čuvar šuma ponovo svakodnevno susreće na terenu i izložen je usmenim prijetnjama od istih. Međutim, u momentu pisanja informacije, na istom terenu, ponovo se desio napad na čuvara šuma i kontrolnog čuvara. Postavlja se pitanje, da li Uprava ima pravo nekoga od zaposlenih poslati na taj reon ili da obavjestimo sve relevantne institucije da smo prinuđeni napustiti taj reon i prestati sa obavljanjem bilo kakvih poslova na tom reonu?**

U martu 2015. godine na području Zenice izvršen je fizički napad na čuvara šuma i nanesene su mu tjelesne povrede. Počinioci su poznati, policija je izvršila uviđaj na licu mjesta i slučaj je preuzelo tužilaštvo. Ni u ovom slučaju još nije donesena presuda i počinioci su na slobodi.

Na osnovu navedenog, šalje se poruka da napad na službenu osobu, odnosno napad na državu (u ovom slučaju Kanton) nije kažnjiv te da se takve aktivnosti odnosno napadi mogu svakodnevno provoditi. Čuvaru šuma, kao službenoj osobi, koja u ovom slučaju svojim obilježjima zastupa Kanton se šalje poruka da je jedino sam dužan da se brine za ličnu sigurnost, na uštrb obavljanja povjerenih poslova.

Neposredna fizička ugroženosti čuvara šuma se direktno odražava na obavljanje poslova čuvanja šuma od šumskih krađa. Zbog lične uroženosti čuvari šuma, kao službene osobe koje se same kreću po terenu sve manje obavljaju poslove čuvanja šuma u kasnim noćnim i ranim jutarnjim satima. To znaju i šumokradice pa se sve više šumskih krađa dešava u tom periodu,

stoga čuvar šuma na licu mjesta zatiče samo panjeve od šumskih krađa koje može da evidentira u knjige.

Radna sposobnost čuvara šuma – U organizovanju čuvarske službe s ciljem neposredne zaštite – čuvanja šuma od svih oblika nezakonitosti i zbog tako bitne uloge s aspekta prirodnog bogatstva koje čuvaju i njegovog značaja za cijelu državu, lica koja obavljaju poslove čuvara šuma imaju status ovlaštenih službenih osoba. Čuvari šuma službu obavljaju u uniformi, moraju imati legitimaciju i moraju biti naoružani. Obzirom na navedeno, ova lica pored opštih uslova za obavljanje poslova moraju ispunjavati i posebne uslove, koji se odnose na zdravstvenu sposobnost i sposobnost za držanje i nošenje naoružanja.

Trenutno poslove čuvanja šuma obavljaju i zaposleni koji ne posjeduju odgovarajuću sposobnost za vršenje istih, zbog čega Uprava nema mogućnosti za odgovarajućom popunom čuvarske službe, jer su radna mjesta popunjena kadrom sa izgubljenom radnom sposobnošću.

Na poslovima čuvara šuma, trenutno je raspoređeno i 7 zaposlenih, koji ne ispunjavaju sve potrebne uslove za obavljanje poslova: četiri čuvara šuma nisu u mogućnosti zadužiti službeno oružje, dok je kod tri čuvara proglašena invalidnost II kategorije.

Stoga Uprava obavlja poslove sa manjkom od 17 čuvara šuma: i to 10 čuvara šuma koji su na razne načine otišli iz Uprave i 7 koji ne ispunjavaju postavljene uslove.

Uslijed starosne strukture zaposlenih veliki je broj dana bolovanja što dodatno otežava efikasno obavljanje poslova čuvanja šuma i šumskog zemljišta.

Ostali uticaji na povećanje obima šumskih krađa

Broj šumarskih inspektora - Nacrtom Općeg dijela šumarskog programa Federacije BiH (trenutno u javnoj raspravi), procijenjeno je da su inspekcijski organi trenutno popunjeni sa oko 2/3 potrebnih kadrova te da je potreban prijem novih šumarskih inspektora, kako na federalnom, tako i na kantonalnim nivoima.

Kontrola puteva kojima se izvozi drvna masa – Sva drvna masa nastala šumskom krađom se stavlja u promet do konačnog korisnika. Mali postotak zaplijenjene bespravno posjećene drvne mase, koja je većinom zaplijenjena od strane Uprave (oko 8%) govori koliko je ili nije efikasan način kontrolisanja i sprječavanja nelegalnog prometa drvne mase.

Uprava ima pravo da vrši kontrolu i zaplijenu drvne mase samo na šumskim putevima, koji čine mali procenat svih puteva na području Kantona, dok na javnim saobraćajnicama zaustavljanje, kontrolu i eventualno oduzimanje ukradene robe i vozila, tj sredstava kojima je učinjeno krivično ili prekršajno djelo, zakonski mogu vršiti samo pripadnici policije, odnosno Ministarstva unutrašnjih poslova.

IV. Posljedice, koje nastaju usljed povećanog obima šumskih krađa

Kao što je već na početku rečeno, šume i šumska zemljišta pružaju multifunkcionalnost proizvoda i usluga, koji se mogu posmatrati sa ekonomskog, socijalnog i ekološkog gledišta.

Šumske krađe, koje se izvode nestručnim i nesektivnim odabirom stabala za sječu, stvaraju nesagledive posljedice posmatrano sa svih naprijed navedenih gledišta, kao što su:

- **Ekonomski aspekt** – Pored direktne štete nastale prilikom šumskih krađa drvne mase, na pojedinim područjima se stvaraju ogoljele površine, koje je potrebno pošumiti, a ponekad je

potrebno izvršiti i sanaciju zemljišta i šumskih puteva. Sve to iziskuje dodatne troškove u poslovanju Šumsko privrednog društva.

U posljednjih pet godina, samo krađom drvne mase iz državnih šuma evidentirana je šteta od 86.476,67 m³ drvne mase, čija procjenjena vrijedost (bez poreza - po sadašnjem cjenovniku) iznosi 6.010.129 KM. Državne šume koristi JP Šumsko privredno društvo, d.o.o Zavidovići i isto je dužno umanjiti svoje sječe (etat) za količinu bespravno posječene drvne mase, što direktno utiče i na prihod ovog Preduzeća. Količinski, bespravnom sječom u proteklih pet godina je posječeno oko 25% jednogodišnje sječe (etata) Šumsko privrednog društva. Kvalitativno, šteta od šumske krađe je mnogostruko veća, jer se ne vrši pozitivna selekcija prilikom sječe (najkvalitetniji trupci se prerađuju u ogrevno drvo), a samim tim se osiromašuje šumski fond.

- **Socijalni i ekološki aspekt** – Pored drugih faktora, šumske krađe dovode do uništavanja i nestajanja šuma. Nastaju ekološke promjene sa štetnim posledicama, među kojima su prvenstveno promjene zemljišta i klime, smanjenje površinskih voda, kao i nestanak mnogih biljnih i životinjskih vrsta, što direktno utiče na socijalni aspekt stanovništva.

Da bi se sveukupno mogle definisati štete nastale štetnim djelovanjem čovjeka na šume i šumska zemljišta (a jedno je i šumska krađa) moramo obratiti pažnju na **širi značaj šume** (pa i svako stablo):

Pojava klizišta - Slivna područja obrasla šumom imaju 30-50% niže vodostaje nego što imaju slivovi koji nisu obrasli šumom. Šuma sprječava eroziju zemljišta, klizišta i ona je najbolji i najjeftiniji filter za dobijanje pitke vode.

Šume su "pluća svijeta" - najodgovornije su (fotosinteza) za proizvodnju kiseonika koji udišemo. Ovome dovoljno svjedoči podatak da, prema naučnim istraživanjima, jedno stablo godišnje proizvede kiseonika koliko je dovoljno za četveročlanu porodicu.

Povećanje broja oboljelih stanovnika - Uništavanje šuma utiče na smanjenje količine ozona u atmosferi, koji je inače odgovoran za sprječavanje prodora UV zraka, a nastaje u atmosferi 40 km iznad zemlje. Bitno je napomenuti da su UV zraci jedan od uzroka porasta broja oboljelih od karcinoma, u prvom redu od raznih melanoma kože.

Pročišćavanje zagađene atmosfere - Uloga šuma u prečišćavanju zagađene atmosfere je velika. Šume apsorbiraju gasove, sedimentiraju prašinu, filtriraju čvrste i radioaktivne čestice (npr. stablo divljeg kestena staro oko 30 godina može zadržati oko 120 kg prašine i 80 kg aerosola godišnje).

Baktericidno dejstvo šume - Šume imaju baktericidno dejstvo (šumski vazduh je bogat eteričnim uljima koja uništavaju mikrobe); smanjuju buku, ublažavaju klimatske promjene.

Siromašenje prirodnih bogatstava - Neplanska sječa šuma osiromašuje prirodna bogatstva za račun bogaćenja pojedinaca. Šume su jedan od najznačajnijih ekonomskih resursa. Pravilna eksploatacija i redovno pošumljavanje svakoj zemlji na svijetu mogu donijeti dugoročan, siguran i isplativ profit.

Narušavanje eko sistema - Uništavanje šuma dovodi do narušavanja cjelokupnog ekosistema. Naime, šume ne podrazumijevaju samo drveće već i ostalo bilje i životinje koje svoje stanište nalazi tamo.

V. Prijedlog mjera, koje mogu dovesti do smanjenja šumskih krađa

Analizom svih naprijed navedenih uzroka, može se govoriti o mjerama koje treba poduzimati, kako bi se smanjio obim šumskih krađa na području Zeničko-dogojskog kantona.

Neophodno je naglasiti, da mjere koje se provode od strane svih nadležnih organa imaju ograničen rezultat, jer su represivnog karaktera i bave se otklanjanjem posljedica, a ne uzroka. Otklanjanje uzroka ovakvog stanja može donijeti značajnije rezultate.

Mjere koje je potrebno poduzeti kako bi se smanjio obim šumskih krađa, mogu se podijeliti na dva dijela i to opšte mjere i direktne mjere

I. Opšte mjere:

Poboljšanje opšteg stanja u društvu :

- Smanjenje broja nezaposlenog radno sposobnog stanovništva doprinijelo bi poboljšanju materijalnog i socijalnog stanja stanovništva i direktno bi uticalo na smanjenje šumskih krađa.
- Zamjena ogrevnog drveta drugim energentima (plin, ugalj i dr.) prilikom zagrijavanja domaćinstava predstavlja dugoročnu mjeru za smanjenje obima šumskih krađa.
- Podizanja svijesti stanovništva - potrebno je kontinuirano provoditi obrazovno-odgojne mjere o značaju šuma i šumskog zemljišta, koje uključuju educiranje stanovništva, turista i školske djece putem edukativnih brošura, članaka, filmova te informacijama putem javnih medija.

Poboljšanje u svim segmentima u oblasti šumarstva – Da bi se postigli značajniji rezultati u suzbijanju šumskih krađa potrebno je poduzeti slijedeće mjere:

- donijeti Federalni zakon o šumama, koji će jasno i precizno urediti oblast šumarstva. U novom zakonu bi trebali biti precizno definisani svi segmenti, kao što su vlasništvo, upravljanje i gospodarenje šumama i šumskim zemljištem, tačno definisane nadležnosti, kaznena politika i dr.
- pojačati provođenje mjera po važećem Zakonu o šumama,
- povećati broj šumarskih inspektora.

II. Prijedlog direktnih mjera za poboljšanje aktivnosti u sprečavanju bespravne sječe šume na području Zeničko-dobojskog kantona

Red broj	Naziv mjere	Zaduženje	Rok za provođenje mjera
1.	Izvršiti popunjavanje radnih mjesta - čuvara šuma, kontrolnih čuvara šuma i viših stručnih saradnika	Kantonalna uprava za šumarstvo u saradnji sa Ministarstvom za poljoprivredu, šumarstvo i vodoprivredu i Komisijom Vlade Kantona za popunjavanje nepopunjenih radnih mjesta;	odmah
2.	Pojačati kontrolu rada čuvara šuma i pooštriti mjere disciplinske odgovornosti	Šefovi Odjeljenja i Kontrolni lugari (za reone za koje su zaduženi);	kontinuirano svakih 15 dana
3.	Premještanje invalida II kategorije i drugih koji nisu sposobni obavljati posao čuvara šuma	Kantonalna uprava za šumarstvo u saradnji sa Ministarstvom za poljoprivredu, šumarstvo i vodoprivredu;	odmah
4.	Obezbjediti čuvanje šumskih drvnih sortimenata na međustovarištima i stovarištima	Šumsko privredno društvo;	kontinuirano
5.	Pojačati kontrole transporta i oduzimanja drvnih sortimenata na području Kantona	Kantonalna uprava za šumarstvo; Šumsko privredno društvo; Ministarstvo unutrašnjih poslova;	kontinuirano
6.	Pojačana kontrola inspekcije u kontroli prometa i reznih objekata	Kantonalna uprava za inspekcijske poslove;	kontinuirano
7.	Pravovremeno obezbjeđivanje građanstva raspoloživim količinama ogrevnog drveta	Šumsko privredno društvo	kontinuirano

Prilozi : Tabele od 1 do 9

Broj: 02-26-9560-1/16
Zenica, juli 2016. godine

Informaciju izradila:
Kantonalna uprava za šumarstvo
Zeničko-dobojskog kantona

PODACI O BESPRAVNO POSJEČENIM DRVNIM MASAMA (PO ODJELJENJIMA) U PERIODU 2011.- 2015.GODINA
(po utvrđenom i neutvrđenom počiniocu, zaplijenjenoj drvnjoj masi)

Tabela BS.1.

Red.broj	Odjeljenje	Evidencije bespravno posječene drvene mase u državnim šumama po:			Evidencije bespravno posječene drvene mase u privatnim šumama po:			Ukupno bespravno posječene drvene mase	Zaplijenjena drvena masa
		utvrđenom počiniocu	neutvrđenom počiniocu	Ukupno	utvrđenom počiniocu	neutvrđenom počiniocu	Ukupno		
		m ³	m ³	m ³	m ³	m ³	m ³		
1	2	3	4	5	6	7	8	9	10
1	Zenica	1.180,09	6.602,27	7.782,36	114,89	636,56	751,45	8.533,81	757,23
2	Tešanj	310,99	99,63	410,62	79,04	0,00	79,04	489,66	113,14
3	Maglaj	262,51	487,34	749,85	424,95	194,12	619,07	1.368,92	182,34
4	Zavidovići	470,01	1.743,85	2.213,86	973,85	787,23	1.761,08	3.974,94	107,48
5	Žepče	414,08	283,28	697,36	197,15	150,38	347,53	1.044,89	86,71
6	Visoko	307,69	897,94	1.205,63	75,30	112,19	187,49	1.393,12	242,82
7	Olovo	463,33	729,00	1.192,33	323,11		323,11	1.515,44	225,52
8	Kakanj	845,86	1.472,79	2.318,65	171,63	140,57	312,20	2.630,85	286,94
9	Vareš	473,80	909,58	1.383,38	157,08	4,62	161,70	1.545,08	185,17
UKUPNO 2011. GODINA:		4.728,36	13.225,68	17.954,04	2.517,00	2.025,67	4.542,67	22.496,71	2.187,35
1	Zenica	1.228,88	4.419,69	5.648,57	274,64	380,78	655,42	6.303,99	315,24
2	Tešanj	281,13	94,42	375,55	11,55		11,55	387,10	82,80
3	Maglaj	377,18	444,74	821,92	609,44	213,50	822,94	1.644,86	109,19
4	Zavidovići	712,50	3.045,26	3.757,76	1.424,79	822,48	2.247,27	6.005,03	151,92
5	Žepče	573,79	359,84	933,63	197,02	164,59	361,61	1.295,24	86,54
6	Visoko	457,35	945,33	1.402,68	41,24	97,27	138,51	1.541,19	184,00
7	Olovo	811,57	679,55	1.491,12			0,00	1.491,12	245,26
8	Kakanj	1.122,11	1.803,77	2.925,88	120,94	105,14	226,08	3.151,96	418,21
9	Vareš	287,25	917,70	1.204,95	43,91	57,42	101,33	1.306,28	152,88
UKUPNO 2012. GODINA:		5.851,76	12.710,30	18.562,06	2.723,53	1.841,18	4.564,71	23.126,77	1.746,04

PODACI O BESPRAVNO POSJEČENIM DRVNIM MASAMA (PO ODJELJENJIMA) U PERIODU 2011.- 2015.GODINA
(po utvrđenom i neutvrđenom počiniocu, zaplijenjenoj drvnjoj masi)

Tabela BS.1.

Red.broj	Odjeljenje	Evidencije bespravno posječene drvene mase u državnim šumama po:			Evidencije bespravno posječene drvene mase u privatnim šumama po:			Ukupno bespravno posječene drvene mase	Zaplijenjena drvena masa
		utvrđenom počiniocu	neutvrđenom počiniocu	Ukupno	utvrđenom počiniocu	neutvrđenom počiniocu	Ukupno		
		m ³	m ³	m ³	m ³	m ³	m ³		
1	2	3	4	5	6	7	8	9	10
1	Zenica	1.319,99	4.119,92	5.439,91	34,21	312,21	346,42	5.786,33	162,70
2	Tešanj	242,61	86,14	328,75	127,10	0,00	127,10	455,85	34,32
3	Maglaj	304,85	380,93	685,78	314,66	199,64	514,30	1.200,08	51,32
4	Zavidovići	1.204,56	1.557,14	2.761,70	1.989,08	841,96	2.740,72	5.502,42	205,51
5	Žepče	302,99	134,03	437,02	94,22	120,68	214,90	651,92	56,31
6	Visoko	616,15	1.115,74	1.731,89	64,41	239,31	303,72	2.035,61	111,77
7	Olovo	695,88	707,77	1.403,65	84,86	2,67	87,53	1.491,18	108,91
8	Kakanj	1.283,51	1.322,92	2.606,43	145,07	54,48	199,55	2.805,98	324,98
9	Vareš	260,62	957,97	1.218,59	84,78		84,78	1.303,37	156,87
UKUPNO 2013. GODINA :		6.231,16	10.382,56	16.613,72	2.938,39	1.770,95	4.619,02	21.232,74	1.212,69
1	Zenica	1.041,97	3.842,99	4.884,98	22,90	175,43	198,33	5.083,31	563,97
2	Tešanj	299,06	120,60	419,66	66,06	0,00	66,06	485,72	61,66
3	Maglaj	233,67	452,79	686,46	193,17	209,97	403,14	1.089,60	71,21
4	Zavidovići	705,01	1.965,81	2.670,82	1.137,40	355,30	1.492,70	4.163,52	159,47
5	Žepče	474,59	308,76	783,35	131,21	127,96	259,17	1.042,52	65,63
6	Visoko	303,17	1.061,18	1.364,35	13,56	43,26	56,82	1.421,17	6,18
7	Olovo	616,74	557,29	1.174,03	408,09		408,09	1.582,12	243,69
8	Kakanj	679,75	1.132,28	1.812,03	192,85	83,94	276,79	2.088,82	350,60
9	Vareš	226,04	367,73	593,77	174,53	18,42	192,95	786,72	146,80
UKUPNO 2014. GODINA:		4.580,00	9.809,43	14.389,45	2.339,77	1.014,28	3.354,05	17.743,50	1.669,21

PODACI O BESPRAVNO POSJEČENIM DRVNIM MASAMA (PO ODJELJENJIMA) U PERIODU 2011.- 2015.GODINA
(po utvrđenom i neutvrđenom počiniocu, zaplijenjenoj drvnj masi)

Tabela BS.1.

Red.broj	Odjeljenje	Evidencije bespravno posječene drvene mase u državnim šumama po:			Evidencije bespravno posječene drvene mase u privatnim šumama po:			Ukupno bespravno posječene drvene mase	Zaplijenjena drvena masa
		utvrđenom počiniocu	neutvrđenom počiniocu	Ukupno	utvrđenom počiniocu	neutvrđenom počiniocu	Ukupno		
		m ³	m ³	m ³	m ³	m ³	m ³		
1	2	3	4	5	6	7	8	9	10
1	Zenica	1.304,61	6.662,04	7.966,65	38,34	99,66	138,00	8.104,65	976,61
2	Tešanj	162,13	99,72	261,85	18,17	0,00	18,17	280,02	64,74
3	Maglaj	414,14	351,57	765,71	557,86	160,39	718,25	1.483,96	159,76
4	Zavidovići	569,48	2.866,05	3.435,53	963,74	721,78	1.685,52	5.121,05	136,78
5	Žepče	375,63	188,83	564,46	165,13	106,04	271,17	835,63	37,05
6	Visoko	254,73	1.418,90	1.673,63	41,46	76,69	118,15	1.791,78	2,40
7	Olovo	780,99	737,91	1.518,90	210,37		210,37	1.729,27	131,55
8	Kakanj	770,82	832,19	1.603,01	92,89	64,35	157,24	1.760,25	285,82
9	Vareš	218,14	949,52	1.167,66	63,24	20,45	83,69	1.251,35	162,49
UKUPNO 2015. GODINA:		4.850,67	14.106,73	18.957,40	2.151,20	1.249,36	3.400,56	22.357,96	1.957,20
1	Zenica	6.075,54	25.646,91	31.722,47	484,98	1.604,64	2.089,62	33.812,09	2.775,75
2	Tešanj	1.295,92	500,51	1.796,43	301,92	0,00	301,92	2.098,35	356,66
3	Maglaj	1.592,35	2.117,37	3.709,72	2.100,08	977,62	3.077,70	6.787,42	573,82
4	Zavidovići	3.661,56	11.178,11	14.839,67	6.488,86	3.528,75	9.927,29	24.766,96	761,16
5	Žepče	2.141,08	1.274,74	3.415,82	784,73	669,65	1.454,38	4.870,20	332,24
6	Visoko	1.939,09	5.439,09	7.378,18	235,97	568,72	804,69	8.182,87	547,17
7	Olovo	3.368,51	3.411,52	6.780,03	1.026,43	2,67	1.029,10	7.809,13	954,93
8	Kakanj	4.702,05	6.563,95	11.266,00	723,38	448,48	1.171,86	12.437,86	1.666,55
9	Vareš	1.465,85	4.102,50	5.568,35	523,54	100,91	624,45	6.192,80	804,21
SVEUKUPNO 2011.-2015. GOD.:		26.241,95	60.234,70	86.476,67	12.669,89	7.901,44	20.481,01	106.957,68	8.772,49

PODACI O PODNESENIM PRIJAVAMA (PO ODJELJENJIMA) U PERIODU 2011.-2015. GODINA
(bespravne sječe, bespravni promet, uzurpacije i dr.)

Tabela BS.2.

Red.br.	Odjeljenje	Podneseno prijava			Iznos štete po prijavama	Presuđeno prijava			Iznos kazni po prijavama
		Prekršajnih	Krivičnih	Ukupno		Prekršajne	Krivične	Ukupno	
		kom	kom	kom		kom	kom	kom	
1	2	3	4	5	6	7	8	9	10
1	Zenica	434	73	507	149.646,75	112	4	116	
2	Tešanj	54	17	71		6		6	1.600,00
3	Maglaj	82	26	108	19.757,77	90	14	104	27.550,00
4	Zavidovići	133	43	176	97.045,88	85	5	90	13.960,00
5	Žepče	126	57	183	22.981,27	102	25	127	26.200,00
6	Visoko	140	50	190	29.211,17	99	2	101	24.680,00
7	Olovo	281	27	308		221	2	223	39.460,00
8	Kakanj	453	11	464	67.602,09	447	8	455	159.930,00
9	Vareš	51	58	109	43.088,60	4	3	7	400,00
UKUPNO 2011. GODINA:		1.754	362	2.116	429.333,53	1.166	63	1.229	293.780,00
1	Zenica	507	97	604	117.727,69	17	4	21	
2	Tešanj	34	34	68			4	4	
3	Maglaj	142	64	206	26.158,00	105	5	110	33.710,00
4	Zavidovići	268	110	378	142.948,52	257	23	280	50.080,00
5	Žepče	114	97	211	27.573,05	156	15	171	19.000,00
6	Visoko	107	62	169	42.574,79	127	8	135	
7	Olovo	304	70	374	75.038,90		3	3	
8	Kakanj	487	5	492	107.221,48	332		332	172.700,00
9	Vareš	47	47	94	50.299,30		4	4	200,00
UKUPNO 2012. GODINA:		2.010	586	2.596	589.541,73	994	66	1.060	275.690,00

PODACI O PODNESENIM PRIJAVAMA (PO ODJELJENJIMA) U PERIODU 2011.-2015. GODINA
(bespravne sječe, bespravni promet, uzurpacije i dr.)

Tabela BS.2.

Red.br.	Odjeljenje	Podneseno prijava			Iznos štete po prijavama	Presuđeno prijava			Iznos kazni po prijavama
		Prekršajnih	Krivičnih	Ukupno		Prekršajne	Krivične	Ukupno	
		kom	kom	kom		kom	kom	kom	
1	2	3	4	5	6	7	8	9	10
1	Zenica	566	83	649	121.538,24				
2	Tešanj	72	26	98	46.403,00	0	5	5	0,00
3	Maglaj	128	53	181	20.751,40	141	33	174	41.240,00
4	Zavidovići	292	177	469	328.803,34	405	39	444	52.880,00
5	Žepče	79	63	142	30.036,98	72	44	116	10.500,00
6	Visoko	64	144	208	57.123,55		6	6	1.135,06
7	Olovo	365	36	401	58.059,86	309	24	333	400,00
8	Kakanj	595	45	640	102.457,20	86	0	86	2.300,00
9	Vareš	48	27	75	29.496,94	8	4	12	200,00
UKUPNO 2013. GODINA:		2.209	654	2.863	794.670,51	1.021	155	1.176	108.655,06
1	Zenica	433	74	507	90.948,28	55	13	68	
2	Tešanj	27	19	46	45.483,00	13	2	15	4.770,00
3	Maglaj	86	31	117	17.430,22	81	11	92	101.620,00
4	Zavidovići	248	76	324	183.475,65	244	41	285	49.960,00
5	Žepče	94	66	160	30.808,88	101	31	132	9.500,00
6		139	60	199	31.137,48	21	2	23	9.450,55
7	Olovo	395	19	414	47.490,80	353	13	366	50.775,00
8	Kakanj	438	21	459	92.953,71	428		428	84.780,00
9	Vareš	59	16	75	20.553,50	19	5	24	750,00
UKUPNO 2014. GODINA:		1.919	382	2.301	560.281,52	1.315	118	1.433	311.605,55

PODACI O PODNESENIM PRIJAVAMA (PO ODJELJENJIMA) U PERIODU 2011.-2015. GODINA
(bespravne sječe, bespravni promet, uzurpacije i dr.)

Tabela BS.2.

Red.br.	Odjeljenje	Podneseno prijava			Iznos štete po prijavama	Presuđeno prijava			Iznos kazni po prijavama
		Prekršajnih	Krivičnih	Ukupno		Prekršajne	Krivične	Ukupno	
		kom	kom	kom		kom	kom	kom	
1	2	3	4	5	6	7	8	9	10
1	Zenica	581	48	629	115.782,13	301	29	330	0,00
2	Tešanj	32	14	46	24.521,00	20	0	20	4.760,00
3	Maglaj	103	44	147	29.023,41	156	19	175	38.600,00
4	Zavidovići	297	73	370	146.708,97	236	128	364	73.270,00
5	Žepče	138	34	172	31.761,55	98	57	155	8.300,00
6	Visoko	106	27	133	20.391,78	17	1	18	4.500,00
7	Olovo	387	28	415	77.566,18	386	10	396	36.700,00
8	Kakanj	405	10	415	47.596,02	362	17	379	80.000,00
9	Vareš	53	27	80	39.693,80	18	5	23	800,00
UKUPNO 2015. GODINA:		2.102	305	2.407	533.044,84	1.594	266	1.860	246.930,00
1	Zenica	2.521	375	2.896	595.643	485	50	535	0
2	Tešanj	219	110	329	116.407	39	11	50	11.130
3	Maglaj	541	218	759	113.121	573	82	655	242.720
4	Zavidovići	1.238	479	1.717	898.982	1.227	236	1.463	240.150
5	Žepče	551	317	868	143.162	529	172	701	73.500
6	Visoko	556	343	899	180.439	264	19	283	39.766
7	Olovo	1.732	180	1.912	258.156	1.269	52	1.321	127.335
8	Kakanj	2.378	92	2.470	417.831	1.655	25	1.680	499.710
9	Vareš	258	175	433	183.132	49	21	70	2.350
SVEUKUPNO 2011.-2015 GOD.:		9.994	2.289	12.283	2.906.872	6.090	668	6.758	1.236.661

PODACI O BESPRAVNO POSJEČENIM DRVNIM MASAMA (PO ODJELJENJIMA) U 2015. GODINI
(po utvrđenom i neutvrđenom počiniocu, zaplijenjena drvena masa)

Tabela BS.3.

Red.broj	Odjeljenje	Evidencije bespravno posječene drvene mase u državnim šumama po:			Evidencije bespravno posječene drvene mase u privatnim šumama po:			Ukupno bespravno posječene drvene mase	Zaplijenjena drvena masa
		utvrđenom počiniocu	neutvrđenom počiniocu	Ukupno	utvrđenom počiniocu	neutvrđenom počiniocu	Ukupno		
		m ³	m ³	m ³	m ³	m ³	m ³		
1	2	4	5	6	8	9	10	12	13
1	Zenica	1.304,61	6.662,04	7.966,65	38,34	99,66	138,00	8.104,65	976,61
2	Tešanj	162,13	99,72	261,85	18,17	0,00	18,17	280,02	64,74
3	Maglaj	414,14	351,57	765,71	557,86	160,39	718,25	1.483,96	159,76
4	Zavidovići	569,48	2.866,05	3.435,53	963,74	721,78	1.685,52	5.121,05	136,78
5	Žepče	375,63	188,83	564,46	165,13	106,04	271,17	835,63	37,05
6	Visoko	254,73	1.418,90	1.673,63	41,46	76,69	118,15	1.791,78	2,40
7	Olovo	780,99	737,91	1.518,90	210,37		210,37	1.729,27	131,55
8	Kakanj	770,82	832,19	1.603,01	92,89	64,35	157,24	1.760,25	285,82
9	Vareš	218,14	949,52	1.167,66	63,24	20,45	83,69	1.251,35	162,49
UKUPNO:		4.850,67	14.106,73	18.957,40	2.151,20	1.249,36	3.400,56	22.357,96	1.957,20

Kantonalna uprava za šumarstvo
Zeničko-dobojskog kantona

PODACI O PODNESENIM PRIJAVAMA I OTUĐENOJ DRVNOJ MASI (PO ODJELJENJIMA) U 2015. GODINI
(bespravne sječe, bespravni promet, uzurpacije i drugo)

Tabela BS.4.

Red.broj	Odjeljenje	Podneseno prijava			Iznos štete po prijavama	Presuđeno prijava			Iznos kazni po prijavama	Štete po osnovu drveta	
		Prekršajne	Krivične	Ukupno		Prekršajne	Krivične	Ukupno		Količina	Vrijednost
		kom	kom	kom		kom	kom	kom		m ³	KM
1	2	3	4	5	6	7	8	9	10	11	12
1	Zenica	581	48	629	115.782,13	301	29	330	0,00	8.104,65	369.971,42
2	Tešanj	32	14	46	24.521,00	20	0	20	4.760,00	280,02	26.176,00
3	Maglaj	103	44	147	29.023,41	156	19	175	38.600,00	1.483,96	139.745,07
4	Zavidovići	297	73	370	146.708,97	236	128	364	73.270,00	5.121,05	529.221,91
5	Žepče	138	34	172	31.761,55	98	57	155	8.300,00	835,63	51.504,06
6	Visoko	106	27	133	20.391,78	17	1	18	4.500,00	1.791,78	139.891,36
7	Olovo	387	28	415	77.566,18	386	10	396	36.700,00	1.729,27	122.825,77
8	Kakanj	405	10	415	47.596,02	362	17	379	80.000,00	1.760,25	95.772,77
9	Vareš	53	27	80	39.693,80	18	5	23	800,00	1.251,35	78.810,00
UKUPNO:		2.102	305	2.407	533.044,84	1.594	266	1.860	246.930,00	22.357,96	1.553.918,36

PODACI O PODNESENIM PRIJAVAMA I OTUĐENOJ DRVNOJ MASI (PO OPŠTINAMA) U 2015. GODINI
(bespravne sječe, bespravni promet, uzurpacije i drugo)

Tabela BS.5.

Red.broj	Opština	Podneseno prijava			Iznos štete po prijavama	Presuđeno prijava			Iznos kazni po prijavama	Štete po osnovu drveta	
		Prekršajne	Krivične	Ukupno		Prekršajne	Krivične	Ukupno		Količina	Vrijednost
		kom	kom	kom		kom	kom	kom		m ³	KM
1	2	3	4	5	6	7	8	9	10	11	12
1	Zenica	589	57	646	128.183,13	302	29	331	0,00	8.237,36	382.372,42
2	Tešanj	24	5	29	12.120,00	19	0	19	4.760,00	147,31	13.775,00
3	Usora	0	0	0	0,00	0	0	0	0,00	0,00	0,00
4	Doboj jug	0	0	0	0,00	0	0	0	0,00	0,00	0,00
5	Maglaj	103	44	147	29.023,41	156	19	175	38.600,00	1.483,96	139.745,07
6	Zavidovići	303	74	377	147.619,80	236	128	364	73.270,00	5.121,05	532.598,01
7	Žepče	138	34	172	31.761,55	98	57	155	8.300,00	835,63	51.504,06
8	Visoko	106	27	133	20.391,78	17	1	18	4.500,00	1.791,78	139.891,36
9	Olovo	387	28	415	77.566,18	386	10	396	36.700,00	1.729,27	122.825,77
10	Kakanj	398	9	407	46.651,39	362	17	379	80.000,00	1.760,25	91.953,80
11	Vareš	37	19	56	32.778,84	18	5	23	800,00	1123,29	73.263,87
12	Breza	17	8	25	6.948,76	0	0	0	0,00	128,06	5.989,00
UKUPNO:		2.102	305	2.407	533.044,84	1.594	266	1.860	246.930,00	22.357,96	1.553.918,36

PODACI O PODNESENIM PRIJAVAMA I OTUĐENOM DRVETU IZ DRŽAVNIH ŠUMA (PO ODJELJENJIMA) U 2015. GODINI
(bespravne sječe, bespravni promet, uzurpacije i drugo)

Tabela BS.DŠ.6

Red.broj	Odjeljenje	Podneseno prijava			Iznos štete po prijavama	Presuđeno prijava			Iznos kazni po prijavama	Štete po osnovu drveta	
		Prekršajne	Krivične	Ukupno		Prekršajne	Krivične	Ukupno		Količina	Vrijednost
		kom	kom	kom		kom	kom	kom		m ³	KM
1	2	3	4	5	6	7	8	9	10	11	12
1	Zenica	572	47	619	115.628,38	296	29	325		7.966,65	363.672,00
2	Tešanj	29	14	43	24.521,00	17	0	17	4.360,00	261,85	24.521,00
3	Maglaj	73	41	114	29.023,41	92	19	111	25.400,00	765,71	70.437,64
4	Zavidovići	178	67	245	47.723,07	135	104	239	53.100,00	3.435,53	356.144,09
5	Žepče	115	34	149	25.735,15	82	57	139	7.100,00	564,46	39.885,91
6	Visoko	98	27	125	20.391,78	17	1	18	4.500,00	1.673,63	139.891,36
7	Olovo	368	28	396	77.566,18	360	10	370	35.650,00	1.518,90	122.825,77
8	Kakanj	367	10	377	47.596,02	330	17	347	78.300,00	1.603,01	94.997,47
9	Vareš	46	27	73	39.693,80	15	5	20	800,00	1.167,66	73.751,00
UKUPNO:		1.846	295	2.141	427.878,79	1.344	242	1.586	209.210,00	18.957,40	1.286.126,24

PODACI O PODNESENIM PRIJAVAMA I OTUĐENOJ DRVNOJ MASI IZ DRŽAVNIH ŠUMA (PO OPŠTINAMA) U 2015. GODINI
(bespravne sječe, bespravni promet, uzurpacije i drugo)

Tabela BS.DŠ.7.

Red.broj	Opština	Podneseno prijava			Iznos štete po prijavama	Presuđeno prijava			Iznos kazni po prijavama	Štete po osnovu drveta	
		Prekršajne	Krivične	Ukupno		Prekr-šajne	Krivične	Ukupno		Količina	Vrijednost
		kom	kom	kom		kom	kom	kom		m ³	KM
1	2	3	4	5	6	7	8	9	10	12	13
1	Zenica	580	56	636	128.029,38	297	29	326	0,00	8.099,36	376.073,00
2	Tešanj	21	5	26	12.120,00	16	0	16	4.360,00	129,14	12.120,00
3	Usora	0	0	0	0,00	0	0	0	0,00	0,00	0,00
4	Doboj jug	0	0					0	0,00	0,00	0,00
5	Maglaj	73	41	114	29.023,41	92	19	111	25.400,00	765,71	70.437,64
6	Zavidovići	184	68	252	48.633,90	135	104	239	53.100,00	3.435,53	359.520,19
7	Žepče	115	34	149	25.735,15	82	57	139	7.100,00	564,46	39.885,91
8	Visoko	98	27	125	20.391,78	17	1	18	4.500,00	1.673,63	139.891,36
9	Olovo	368	28	396	77.566,18	360	10	370	35.650,00	1.518,90	122.825,77
10	Kakanj	360	9	369	46.651,39	330	17	347	78.300,00	1.603,01	91.178,50
11	Vareš	30	19	49	32.778,84	15	5	20	800,00	1.039,60	68.204,87
12	Breza	17	8	25	6.948,76					128,06	5.989,00
UKUPNO:		1.846	295	2.141	427.878,79	1.344	242	1.586	209.210,00	18.957,40	1.286.126,24

PODACI O PODNESENIM PRIJAVAMA I OTUĐENOM DRVETU IZ PRIVATNIH ŠUMA (PO ODJELJENJIMA) U 2015. GODINI
(bespravne sječe, bespravni promet, uzurpacije i drugo)

Tabela BS.PŠ.8.

Red.broj	Odjeljenje	Broj prijava			Iznos štete po prijavama KM	Broj presuđenih prijava			Iznos kazni po prijavama KM	Štete po osnovu drveta	
		Prekršajne	Krivične	Ukupno		Prekršajne	Krivične	Ukupno		Količina	Vrijednost
		kom	kom	kom		kom	kom	kom		m ³	KM
1	2	3	4	5	6	7	8	9	10	11	12
1	Zenica	9	1	10	153,75	5	0	5		138,00	6.299,42
2	Tešanj	3	0	3	0,00	3	0	3	400,00	18,17	1.655,00
3	Maglaj	30	3	33		64		64	13.200,00	718,25	69.307,43
4	Zavidovići	119	6	125	98.985,90	101	24	125	20.170,00	1.685,52	173.077,82
5	Žepče	23		23	6.026,40	16		16	1.200,00	271,17	11.618,15
6	Visoko	8		8						118,15	
7	Olovo	19		19		26		26	1.050,00	210,37	0,00
8	Kakanj	38		38		32		32	1.700,00	157,24	775,30
9	Vareš	7	0	7	0,00	3	0	3	0,00	83,69	5.059,00
UKUPNO:		256	10	266	105.166,05	250	24	274	37.720,00	3.400,56	267.792,12

PODACI O PODNESENIM PRIJAVAMA I OTUĐENOM DRVETU IZ PRIVATNIH ŠUMA (PO OPŠTINAMA) U 2015. GODINI
(bespravne sječe, bespravni promet, uzurpacije i drugo)

Tabela BS.PŠ.9.

Red.broj	Opština	Broj prijava			Iznos štete po prijavama	Broj presuđenih prijava			Iznos kazni po prijavama	Štete po osnovu drveta	
		Prekršajne	Krivične	Ukupno		Prekršajne	Krivične	Ukupno		Količina	Vrijednost
		kom	kom	kom		kom	kom	kom		m ³	KM
1	2	3	4	5	6	7	8	9	10	11	12
1	Zenica	9	1	10	153,75	5	0	5		138,00	6.299,42
2	Tešanj	3	0	3	0,00	3	0	3	400,00	18,17	1.655,00
3	Usora	0	0	0	0,00	0	0	0	0,00	0,00	0,00
4	Doboj jug	0	0	0	0,00	0	0	0	0,00	0,00	0,00
5	Maglaj	30	3	33		64		64	13.200,00	718,25	69.307,43
6	Zavidovići	119	6	125	98.985,90	101	24	125	20.170,00	1.685,52	173.077,82
7	Žepče	23		23	6.026,40	16		16	1.200,00	271,17	11.618,15
8	Visoko	8		8						118,15	
9	Olovo	19		19	0,00	26		26	1.050,00	210,37	0,00
10	Kakanj	38		38		32		32	1.700,00	157,24	775,30
11	Vareš	7	0	7	0,00	3	0	3	0,00	83,69	5.059,00
12	Breza	0	0	0	0,00	0	0	0	0,00	0,00	0,00
UKUPNO:		256	10	266	105.166,05	250	24	274	37.720,00	3.400,56	267.792,12